

պաշտպանութիւն են վայելում թուրք կառավարութեան կողմից: Ինչո՞ւ: Որովհետեւ այդ մարդիկ շատ լաւ գործիքներ են նրա ձեռքում, ինչպէս ասացի, քրիստոնեաների ազգային կապերը կտրատելու համար: Չայ-կաթովիկը, հայ-բողոքականը իրան հայ չէ համարում: Չայ լուսաւորչականը նոյնպէս նրանց հայ չէ անուանում: Իւրաքանչիւրը իր ազգութիւնը ճանաչում է իր եկեղեցու անունով: Ուրեմն, որքան շատ կը լինի տարբեր եկեղեցիների թիւը, այնքան շատ կը մասնատոյի ազգային ամբողջութիւնը եւ, հետեւապէս, կը թուլանայ նրա քաղաքական նշանակութիւնը: Այդ շատ նպաստաւոր է տիրող կառավարութեան համար, մանաւանդ, որ քրիստոնեաների հարցը ամէն անգամ մեծ դժոհարութիւնների մէջ է դնում նրան:

Նրա խօսքը ընդհատեց մեր հիւրընկալ Թաթօս եղբայրը, որ, մօտենալով, ներողութիւն խնդրեց տեղի ունեցած անախորժութեան մասին եւ հրաւիրեց մեզ սրահը ընթրիք ուտելու:

– Ես պետք է ներողութիւն խնդրեմ, – պատասխանեց Ասլանը, – իմ ընկերը թէեւ փոքր-ինչ դիւրագրգիռ մարդ է, բայց շատ բարի սիրտ ունի:

Ձալլադին գտնել չկարողացան: Ընթրիքից յետոյ խնդրեցինք մեզ համար քնելու տեղ պատրաստել նոյն առոակի մօտ, ծառերի ներքոյ, որովհետեւ սրահում օդը սաստիկ խեղդող էր, եւ մանաւանդ զանազան միջատներ գիշերը կարող էին անհանգիստ անել մեզ: Ձալլադը դեռ չէր վերադարձել, երբ ես եւ Ասլանը պատրաստեցինք քնելու:

– Ու՞ր գնաց նա, – հարցրի ես:

– Երեւի, կը գայ, – պատասխանեց Ասլանը:

– Բայց որքա՞ն լաւ խօսում էր նա, որքա՞ն հմուտ է սուրբ գրքերի գիտութեան մէջ: Ես երբեք չէի կարծում, որ Ձալլադը այդ աստիճան զարգացած մարդ լինէր:

Ասլանը ծիծաղելով ասաց.

– Նա ինքը բողոքական է:

– Բողոքական՞ է, ի՞նչ էք խօսում:

– Եւ բողոքականի քահանայ է:

Ես շոարած մնացի:

Ես իսկոյն գնացի նրան որոնելու: Պարտեզի մի հեռաւոր անկիւնում գտայ նրան, ծուկը դրած գետնի վրայ, լուռ աղօթում էր: Ու՞մ համար էր այնպէս յափշտակուած աղօթում նա: Երեւի, իր մոլորեալ «եղբայրների» համար...